

De relatorn Barn klöffen va sproch, kultur, gscicht ont identitet

Bki: der trèff "Minoranze e migrazione in Trentino tra Medio Evo e modernità"



Il Bersntoler Kulturinstitut organizza per il 17 novembre la giornata di studi storico-linguistici "Minoranze e migrazione in Trentino tra Medio Evo e Modernità" presso la sala del municipio di Palù del Fersina. Tutti sono cordialmente invitati.

S Bersntoler Kulturinstitut, gëltgott en zuazol va de Eu, organisaert an to studium as de gschicht onta s de sproch van titl "Minoranze e migrazione in Trentino tra Medio Evo e Modernità". Der trèff bart se hòltn as de 17 van doi mu'nét en gamoa'sol va Palai va um nai'na de vria fin um seksa zöbenz, e. Bail en to bart men klöffen va drai bichtega temen: de mearer identieten van Alpn (Mittelalter), de ekonomisch, kultural ont linguistisch gamoa'schöftnt ont de gschicht ont de sproch van gamoa'schöftnt van sprochen minder kennt. Ver en earste tema barn klöffen Hannes Obermair van Eurac Research va Poazn, Ermeneigildo Bidese va de Universitet va trea't, Giuseppe Ferrandi va de Fondazione

Museo storico va Tre'a, Italo Franceschini va de Fondazione Biblioteca S. Bernardino; ont Emanuele Curzel va de Universitet va Tre'a.

Van zboate tema de relatorn sai': Serena Luzzi va de Universitet va Tre'a, Armando Tomasi van METS va S. Michele, Cinzia Lorandini va de Universitet va Tre'a; Cesare Bernard van Institut Ladin va Fassa. Van dritte tema, gschicht ont sproch, barn klöffen Ermeneigildo Bidese, Jan Casalichio ont Federica Ricci Garotti, ölla drai va de va de Universitet va Tre'a. Der trèff ist offset en ölla ont de sèlln as sai' enteressiert sai' inngalont!

LORENZA GROFF



De sèlln as sai' enteressiert meing vinnen der modell va de vrog as de internetsait van omt

Tolgamo'a'schöft: zboa bandi ver de studentn

La Comunità di Valle Alta Valsugana e Bersntol ha indetto due bandi per borse di studio e facilitazioni di viaggio per gli studenti. La domanda va presentata al Servizio Programmazione e Diritto allo studio della Comunità Alta Valsugana e Bersntol entro mercoledì 06 dicembre



De Tolgamo'a'schöft Hoa Valzegu' ont Bersntol hòt garo ausgaleik zboa bandi ver de studentn. Der erste ist an prais ver de peistrn studentn, der önder ist a zuazol as kimmep en gem ver en sèll as se spendiarn za gea' za schual. Ver za meing ogem de vrog, de enteressiaretn miasn gea' deréckt en sitz va de Tolgamo'a'schöft pet ölla de dokumentn. Der bando ont der modell va de vrog, mu men sa vinnen af de internetsait va de Tolgamo'a'schöft, en ölla de gamoa'n, en sitz va de tolgamo'a'schöft odr de meing pfrök kemmen pet an e-mail. Men mias ausvilln de dokumentn pet ölla de datn, der stönt va de familia, de schualont asou envire. Der prais kimmep ausgem no en drai kriterien: de punktn van student en de schual, der stönt va de familia ont de kostn ver za gea' za schual. Der zuazol kimmep gem ver en sèll as men spendiart ver de schual: de kostn za gea' za schual, de piacher, sèll as men prächt za schraim se inn oder ver a zimmer ont za èssn ont srouc envire. Ver za meing nemmen toal de studentn miasn lem en a Gamo'a' va de Tolgamo'a'schöft Hoa Valzegu' ont Bersntol, hom finz as 20 jor, inntschrifm sai' ver en earste

vòrt en de sèll klasse ont hom an réchten Icef (as miasn sai' zbischn 0,00 ont 0,3529).

Der önder bando ist kemmen gamöcht ver ölla de sèlln as miasn nemmen der auto oder an privaten pulmin ver za gea' za schual oder za nemmen de koriara (der plötz bo as geat virpai de koriara oder de schual miasn almen aboa kilometre vèrr van haus van student sai'). De kriterien ver za nemmen toal sai' de glaichen: lem en a Gamo'a' va de Tolgamo'a'schöft Hoa Valegu' ont Bersntol, hom finz as 20 jor ont drinn stea' en Icef. De zuazol kimmep gem en de sèlln as gea' pet en sai' auto ont en de sèlln as zoln se sèlber an pulmin. Men schauk öble der Icef va de familia, de kilometre as men möcht pet en auto ont der numer van roasn.

Ver za nemmen toal en peada de bandi, de studentn hom bail finz as de 6 van schantönderer um zeichena vria. Abia tsöck mias men vorraud de dokumentn ausvilln, döra u'mèln se en sitz va de tolgamo'a'schöft ont döra gea' ont möchen de domanda zömm pet an u'stellit va de tolgamo'a'schöft.

LORENZA GROFF

Men mu se innschraim finz af de 7 van schantönderer

Schualring en de Lander van EU ont aus de Europeische Union: s sai' u'ganommen kemmen de kriterien ver de studiumprais

La Giunta provinciale ha approvato l'avviso rivolto agli studenti del secondo anno dei licei quadriennali trentini o del terzo anno dei percorsi d'istruzione secondaria di secondo grado che intendono frequentare un periodo di studio in un Paese dell'Unione europea o nei Paesi extra Unione europea, per alcuni mesi o per l'intero anno scolastico 2024/2025. Le iscrizioni sono aperte fino al 7 dicembre 2023 e il bando è scaricabile dal sito www.vivoscuola.it.

De Provinzialjunta hòt u'ganommen zboa bandi tsbunnen ver de studentn van zboate jor van trea'tner viarjoregenlicei ont van dritte jor van schualn va zboateschualn va zboate tritt as belletn

a zait en an lònt va de Eu, van Regno unito oder extra Europeische Union, ver a toal mu'nét oder ver en gönze jor 2024/2025. Ver de studentn as gea' en EU oder en Regno unito, de voucher sai' zuazolt va de Europeische Union - Fondo sociale europeo, van Stött ont va de Autonome Provinz va Tre'a ver za u'nemmen den programm FSE 2021-2027. S gëlt ver de doi iniziativ ist va 730 tausnt euro ver 80 voucher. Ver de sèlln as gea'en de Lander aus va de Europeische Union, der païtrog ist va 700 tausnt euro, ont men stimmt 80 studiumprais. S kimmep va de Autonome Provinz va Tre'a. S meing toalnemmen de studentn as learnen en doi schualjor 2023/2024 de zboa klasse van trea'tner viarjoregenlicei oder de dritte klasse van zboateschualn va zboate tritt van Trentin oder va aus Provinz, as hom nèt mear va zboask jor schoa gamöcht, as vonen en de Provinz va Tre'a, as hom an réchtn stönt van Icef. S tauern va de schualzait mu sai' a jor (mindestn 240 to) oder ver minder zait (mindestn 110 to). Men mut se innschraim va de 7 van ölderhaileng finz af de 7 van schantönderer ont men mu der bando aronenmemen wa de sait www.vivoscuola.it. De vrog miast inntrong kemmen lai durch telematischen virm ont men miast pruchen der SPID, de CIE oder de CPS finz af de 13:00 van pfinsta af de 7 van schantönderer 2023. (Ig)

Domani pomeriggio alle ore 16.30 presso la sala comunale a Fierozzo andrà in scena "Il lupo" di e con Federico Vivaldi, prodotto da Elementare Teatro.

Morn nomitto en gamoa'sol va Vlarotz kimmep gamöcht an trèff va teater van titl "Il lupo" va ont pet Federico Vivaldi ont organisaert va Elementare Teatro. S ist an trèff ver de familie ont ver ölla de kinder as tauert ungefer a stunn.

Autumn Photography: an kurs va fotografi pet de vòrm van herbest

Men geat envire pet de trèffen van kurs va fotografi „Autumn Photography“. As de 16 van ölderhaileng, bart se hòltn „Regards de L'Ame“ zömm pet de autorn Luca Campostrini ont Angelo Benedetti. De zboa leisten trèffen, as de 2 ont as de 30 van ölderhaileng, barn kemmen prauchen ver za òrbettin as de lettrattan van toalnemmer as sai' kemmen gamöcht en voudern trèffen ont ver za studiarn der editing van lettrattin.

IL LUPO

